

小桃红

客船晚烟

绿云冉冉锁清湾，香彻东西岸。
官课今年九分办。厮追攀，渡头买得新鱼雁。
杯盘不干，欢欣无限，忘了大家难。

小桃红

杂咏

杏花开候不曾晴，败尽游人兴。
红雪飞来满芳径。问春莺，春莺无语风方定。
小蛮有情，夜凉人静，唱彻醉翁亭。

商挺

潘妃曲

带月披星担惊怕，久立纱窗下。
等候他。蓦听得门外地皮儿踏，
则道是冤家，原来风动茶蘼架。